

UTUMIKI WATHU WA UMAMBO

NTHANDAYA MAINDZA YA 2015

NSOLO WA NTHANDA: 'Tisafunika kupirira nyatwa zizinji toera kupita mu Umambo wa Mulungu.'—Mach. 14:22.

SUMANA 7 YA MAINDZA

Nyimbo 3 na Phembero

Pfundziro Ya Bhibhlya Ya Mpingo:

bh nsolo. 3 ¶20-24 (mph. 30)

Xikola Ya Utumiki Wa Mulungu:

Kuleri Bhibhlya: 2 Pya dziko ya Israele 10-14 (mph. 8)

N.º 1: 2 Pya dziko ya Israele 13:13-22 (mph. 3 peno zakucepa)

N.º 2: Tisafunika Kukhala Na N'khaliro Wakupambulika Pakuphembera?—bh nsolo 17 ¶10 (mph. 5)

N.º 3: Kodi Uxamwali Wathu Na Anango Usatikhuya Tani?—lv nsolo 3 ¶1-3 (mph. 5)

Nsonkhano Wa Basa:

Nyimbo 26

Mph. 10: 'Tisafunika Kupirira Nyatwa Zizinji Toera Kupita Mu Umambo Wa Mulungu.' Nkhani yakubuluswa mu nsolo wa nthanda. Lerini na ukofokotoza Machitiro 14:21, 22 na 1 Pedro 4:12-14. (Onani Ncenjezi 1 ya Nyendzi ya 2014, tsamba 13 ndima 3-6.) Longani mwacigwagwa makhundu anango a nthanda ino na gomezerani kuti asabverana tani na nsolo wa nthanda. Wangisani anyakubvesera toera aone vidyu 'Ande pela Fé, Não pela Vista' pakukhunganyika nsonkhano wa basa wa sumana inatowera.

Mph. 10: Kodi Munatawira Tani? (Akol. 4:6) Nkhani yakubuluswa m'bukhu *Escola do Ministério*, tsamba 69 ndima 1-3. Pangizani pitsando piwiri pyakusiyana. Cakutoma, m'mwazi mphangwa asalonga mwakuipirwa thangwi ya ntawiro waukali wa mwanaciro nyumba, mbapicitisa mwanaciro nyumba kukhonda kubvesera. Caciwiri, mwanaciro nyumba asalonga mwakuipirwa, mbwenye m'mwazi mphangwa asatavira mwakukhurudzika, mwanaciro nyumba mbabveresa mwakukomerwa.

Mph. 10: "Towezerani Citsandzo Ca Aprofeta—Habakuki." Mibvundzo na matawiyo.

Nyimbo 14 Phembero

Towezerani Citsandzo Ca Aprofeta—Habakuki

¹ Munathimbana ife na kuthimizirika kwa uiipi mu dziko ino, panango tinapibva ninga Habakuki, wakuti abvundza Yahova tenepa: 'Musandionese—

1. Thangwi yanji tinakwanisa kulonga kuti tiri m'makhaliro mabodzi ene na a mprofeta Habakuki?

ranji pyakugopswa pyenepi? Thangwi yanji mukutawirisa pyakuipa pyenepi?' (Hab. 1:3; 2 Tim. 3:1, 13) Kunyerezera mwacidikhodikho mphangwa za Habakuki na cikhulupiro cace kunatiphedza toera kukhala dzololo munadikhira ife ntsiku yakutonga ya Yahova.—2 Ped. 3:7.

² **Khalani Maso Mwakubverana Na Cikhulupiro:** M'mbuto mwakudzumatirwa basi na makhaliro akuipa a ntsiku zace, Habakuki apitiriza kukhala maso mwauzimu na waphinga. (Hab. 2:1) Yahova apasa mprofeta cinyindiro cakuti mafala Ace mbadakwanirisika mwakukhonda dembuka, pontho kuti 'anyakulungama anadzapulumuka thangwi ya cikhulupiro cawo.' (Hab. 2:2-4) Kodi pyenepi pisabvekanji kuna Akristu anakhala ku nkhomo kwa ndzidzi wakumalisa? Kusiyapo kudziwa basi kuti kumala kunafika *lini*, cakufunika kakamwe ndi khala na cinyindiro cakuti *kunadzacitika*. Cikhulupiro cinatikulumiza toera kuptiriza kukhala maso na kuikha pa mbuto yakutoma utumiki wathu.—Aheb. 10:38, 39.

³ **Kukomerwa Mu Kutumikira Yahova:** Goge wa dziko ya Magoge angadzapomokera mbumba ya Yahova, cikhulupiro cathu cinadzayeserwa. (Ezek. 38:2, 10-12) Nkhondo isabweresa pinentso, ngakhale kwa ale adawina. Panango cakudya cissasweka, pinthu pisatayika, panango midida ya makhaliro isafudzika. Tinadzacitanji pinentso pingatoma? Habakuki akhadikhira kuthimbana na pinentso, natenepe iye atonga kuptiriza kutsandzaya mu kutumikira Yahova. (Hab. 3:16-19) 'Kutsandzaya kunabuluka kwa Yahova' kunakwanisambo kutiphedza toera kuptirira pinentso ntsogolo.—Neh. 8:10; Aheb. 12:2.

⁴ Ale anadzapulumuswa na Yahova mu ntsiku yace yakutonga, anadzapitiriza kupfundziswa khala maso mwakubverana na njira za Mulungu. (Hab. 2:14) Anyakulamuswa muli akufa anadzapfundzambo pya Yahova. Ngakhale cincino, tina-kwanisa kuphatisira mwai onseni uli na ife toera kulonga pya Yahova na mabasa ace akudzumisa!—Sal. 34:1; 71:17.

2. Tinapangiza tani kuti tisakhala maso thangwi ya cikhulupiro lero?

3. Thangwi yanji tisafunika kuptiriza kutsandzaya mu kutumikira Yahova?

4. Tinatsandzaya nanji cincino na ntsogolo?

SUMANA 14 YA MAINDZA

Nyimbo 50 na Phembero

❑ Pfundziro Ya Bhibhlya Ya Mpingo:

bh nsolo 4 ¶1-9 (mph. 30)

❑ Xikola Ya Utumiki Wa Mulungu:

Kuleri Bhibhlya: 2 Pya dziko ya Israele 15-19 (mph. 8)

N.º 1: 2 Pya dziko ya Israele 16:1-9 (mph. 3 peno zakucepa)

N.º 2: Ndi Ntundu Wanji Wa Anthu Unasankhula Mulungu Ninga Axamwali Ace?— *lv nsolo 3 ¶4-6 (mph. 5)*

N.º 3: Kodi Tisafunika Kulonganji Mu Phembero?—*bh nsolo 17 ¶11, 12 (mph. 5)*

❑ Nsonkhano Wa Basa:

Nyimbo 32

Mph. 30: “*Fambani Mu Cikhulupiro Tayu M’pinthu Pyakuoneka.*” Mibvundzo na matawiyo. Phatisirani mafala a ndima yakutoma na yakumalisa toera kulonga mafala akutoma na akumalisa. Mpingo yakuti amwazi mphangwa azinji nkhabenjira toera kuona vidyu mwanyapantsi, inakwanisa kuphatisira *A Sentinela* ya 15 de Setembro de 2005, tsamba 16-20.

Nyimbo 49 na Phembero

‘Fambani Mu Cikhulupiro Tayu M’pinthu Pyakuoneka’

Mu ndzidzi wakucepa anyankhondo mbandzati kuzungulira nzinda wa Yerusalemu na kuufudza, mpostolo Paulu alemba kuti ninya anyankhondo, Akristu asadikhira kuthimbana na pinentso, tayu kuikha pa mbuto yakutoma kusaka mpfuma na pifuno pyawo. (2 Tim. 2:3, 4) Thangwi ya kufudzwa kunafuna citika n’dziko ino yakukhonda dziwa Mulungu, tisafunika cikhulupiro cakuwanga toera kuitiriza kuikha manyerezero m’pinthu pyauzimu. (2 Akor. 4:18; 5:7) Onani vidyu ‘*Ande Pela Fé, Não Pela Vista.*’ (Pitani mu jw.org, pa PUBLICAÇÕES > VÍDEOS.) Dingani kuti kufuna kakamwe

pinthu pyakumanungo kwakhala tani nsampa wakugopswa kuna Nahamu na Abitale. Buluka penepo, tawirani mibvundzo inatowera.

(1) M’pyaka dzana yakutoma, ‘cinthu cakunyanyasa cakufudza cidalimira pa mbuto yakucena’ cikhalinji, pontho Akristu mu Yerusalemu akhafunika kucita cisankhulo cipi? (Mat. 24:15, 16) **(2)** Thangwi yanji kubuluka mu nzinda kukhaphemba cikhulupiro? **(3)** Kubuluka mu Yerusalemu kukhaphatanizanji? **(4)** Thangwi yanji Nahamu na Abitale adembuka? (Mat. 24:17, 18) **(5)** Ndi api mayesero akuthimizirika a cikhulupiro adathimbana na Rakele mu ndzidzi ukhabuluka iye mu Yerusalemu? (Mat. 10:34-37; Mko. 10:29, 30) **(6)** Kodi Etani apangiza tani citsandzo cadidi ca cikhulupiro na kunyindira Yahova? **(7)** Ndi pine ntso pipi pidathimbana na Akristu ku Pela? **(8)** Cikhulupiro ca Nahamu na Abitale cafe-wa tani mwapang’ono-pang’ono? **(9)** Kodi Yahova atsalakana tani Akristu akhakhala ku Pela? (Mat. 6:33; 1 Tim. 6:6-8) **(10)** Tinato-wezera tani citsandzo ca Abrahamu na Sara munathimbana ife na kumala kwa makhaliro ano a pinthu? (Aheb. 11:8-10) **(11)** Niniyi cidakulumiza Nahamu na Abitale toera kubwerera ku Yerusalemu, pontho thangwi yanji manyerezero awo akhali akuphonyeka? (Luka 21:21) **(12)** Kodi mwandimomwene umaso ukhali tani mu Yerusalemu mudabwerera Nahamu na Abitale? **(13)** Thangwi yanji tisafunika kuwangisa cikhulupiro cazu cincino mbukusati fika kumala kwa makhaliro ano a pinthu?—Luka 17:31, 32; 21:34-36.

Kufamba mu cikhulupiro pisabveka (1) kunyindira citsogolero ca Yahova, (2) kutawirisa kuti iye atitsogolere, na (3) kupangiza kuti tisapasa ntengo kakamwe pinthu pyauzimu kupita pinthu pyakumanungo. Tendeni tikhale akutonga kufamba mu cikhulupiro, mukunyindira kuti ‘dziko iri kumala na pinasirira iyo, mbwenye anacita cifuno ca Mulungu anakhala kwenda na kwenda.’ —1 Jwau 2:17.

Makhaliro Adidi Asafungula Njira Toera Kubzwala Mbeu za Undimomwene

Mphangwa zino zabuluswa mu *Anuário das Testemunhas de Jeová de 2015*

Europa Mphambvu Yacilemedzo

Tsamba 73

Mu ntsiku 30 ya Murope ya 2014, Vasilii, anatumikira ku Beteli ya **Rusya** m'pyaka pizinji, akhamwaza mphangwa mukuphati-sira karinya ya mabukhu cifupi na ofesi ya filiali. Mwakukhonda dembuka, wafika pana iye motokala wa apolixa. Mpolixa atci-ta m'motokala mbapanga Vasilii toera asi-ye kucita basa yace, thangwi anyakuendekana anango adungunya pya iye. Mpolixa unango akhagravari vidyu ya makani ane-wa. Vasilii aona kuti mbapidakhala pyadi-di kubvera pidalonga mpolixa mbuto mwakuthimbana naye thangwi ya ufulu wace. Pa ndzidzi unoyu, anyakupita na njira ana-ngo akhadalimira toera kuona pikhacitika. Vasilii abuluka, mbwenye pakupita ntsiku ziwiri iye aphemba toera kulonga na nkulu wa apolixa. Phembo yace yatawirwa. Nkati mwa makani awo, Vasilii apereka takhu-ta kuna nkulu wa apolixa thangwi ya basa yakufunika inacita apolixa kwa anthu a pa-

cisa, pontho thangwi ya njira yadidi ida-longa iwo na iye ntsiku ziwiri zidapita. Nkulu wa apolixa azungunku mbalonga na nyakuphedzera wace kuti: "M'pyaka 32 pya basa yanga ya upolixa, uyu ndi mun-thu wakutoma kuperekta takhuta thangwi ya basa yathu!" Nkati mwa kucedza kwa-wo, nkulu wa apolixa aphedzwa kubvesesa kuti basa yathu yakumwaza mphangwa ndi yakutawirika. Nkulu wa apolixa abvun-dza kuti thangwi yanji Vasilii, mbadziwa kuti ali na ufulu onsene wakucita basa yace nee apwekera mpolixa adamulimirisa ku-cita basa yace? Vasilii atawira: "Ndisaleme-dza apolixa. Nyerezerani kuti mbapidakha-la tani khala ndalonga pamaso pa anthu ale onsene kuti mpolixa nkhabepo kudziwa mwambo." Nkulu wa apolixa na nyakuphe-dzera wace akhali akudzumatirwa kakamwe, mbapasa Vasilii cinyindiro cakuti ku-tomera ndzidzi unoyu nkhabepo anafuna kumpingiza kucita basa yace yakumwaza mphangwa.

Republika Dominikana

Tsamba 111-116

'Yezu ndi Nsolo'

Mudamala kuthamangiswa amisionaryo, Donald Nowills, wakuti akhali na pyaka pinai pyakubatizwa na 20 pyakubalwa, asankhulwa toera kuyang'anira basa pa filiali. Maseze iye akhadatumikira ninga muyang'aniri wa cisa mu nthanda zaku-cepa, basa ya pa filiali ikhali ipswa kuna iye. M'bale Nowills akhali na ofesi yaku-cepeseka ku nyumba kwace, yakucitwa na matabwa, yakuphimbirwa na malata, po ntho yakukhonda kusasanyirwa mwadidi pantsi. Iyo ikhali ku Gualey, cisa cakugopswa kakamwe ca Ciudad Trujillo. Na ciphedzo ca Felix Marte, iye adhinda mare-vista a *Ncenjezi* toera aphatisirwe mu dziko yawo yonsene.

Henrique mukhali iye nkaidi, nkazace anacemerwa Mary Glass, aphedza m'Bale Nowills. Mary alonga: "Ndikhakotoka ku basa ndzidzi 5 wakumaulo, mbandienda ku ofesi ya m'Bale Nowills toera kalemba *Ncenjezi*. Buluka penepo m'Bale Nowills mbadagumanya matsamba mu ntcini. Mulongo unango wa ku Santiago, wakudziwika na 'anju,' akhakwata marevista akudhindwa mbaaikha mu lata inabwera na mafuta akudy ya malitru 20. Buluka penepo iye akhagudumira marevista na nguwo padzulu pace mbaikhapo nfalinya, bambaya peno madhumbe. Padzulu pace akhathasikapo sakha ya khwekwe. Buluka penepo iye mbadawkira motokala kuenda ku mulolo kwa dziko mbasiya revista ibodzi na ibodzi m'mipingo yonsene. Anthu akhabwera mwakubwereza-bwereza toera kubwerekwa revista ineyi mbaipfundza ninya banja."

Mary athimiza: "Tikhafunika kukhala akucenjera kakamwe, thangwi n'njira zo nsene anthu a mautongi akhasaka mbuto ikhadhindwa revista ya *Ncenjezi*. Mbwenye iwo nee atigumana. Ndjidzi onsene Yahova akhatitsidzikiza."

'Akucenjera Ninga Nyoka Na Akuona Ntima Ninga Nkhangaiwa'

Pikhafunika kuti atumiki akukhulupirika a Yahova apitirize kutambira cakudya cauzimu mu ndzidzi wakutcingwa, mbwenye ukhali ndzidzi wakugopswa kwa alambiri andimomwene a dziko ineyi. M'pyaka pyenepi, abale azinji akhapitiswa nkaidi na kutongwa kukhala nkaidi ndzidzi uzinji.

Juanita Borges alonga: "Mudabatizwa ine mu 1953, ndikhapidziwa kuti ninga m'bodzi wa Mboni za Yahova, ndikhali pa ngozwi yakumangwa. Pyenepi pyacitikadi. Mu nthanda ya Binga ya 1958, mudaenda ine kaona Mulongo Eneida Suarez, apolixa acibisobiso abwera mbatitunizira kuti tikhacita misonkhano. Tamangwa mbati-tongwa kukhala nkaidi nthanda zitatu na tikhafunika kulipa kobiri yakukwana 100 –yakuti mu ndzidzi unoyu ikhali sawasawa na madolare 100 a (E.U.)."

Utongi wayesera njira zonsene toera kuhondesa Mboni za Yahova kusonkhana, mbwenye abale akhapitiriza. Natenepa, iwo akhafunika kukhala 'akucenjera ninga nyoka na akuona ntima ninga nkhangaiwa.' (Mat. 10:16) Andrea Almanzar asakumbuka: "Toera kugumanika pa misonkhano, tikhafunika kufika ndzidzi wakusiyana. Pakukotoka, kazinji kene tikhahbuluka mwakudembuka toera anthu akhonde kunyingwa."

Jeremias Glass, abalwa mu ndzidzi ukhali babace Leon nkaidi na akhala m'mwazi mphangwa mu 1957 mukhali iye na pyaka pinomwe pyakubalwa. Iye asakumbuka misonkhano ikhacitwa mwa-cibisobiso panyumba pawo na gaxugaxu akhacita iwo toera akhonde kumangwa. Jeremias alonga: "Anyakubvesera onsene akhapaswa citsamba cakukhala na numero inapangiza ndzidzi wace wakubuluka parukotoka. Misonkhano ingamala, babanga akhandiikha pa nsuwo toera kuona numero ya tsamba ya munthu na kutsogolera ale anabuluka toera aende awiri-awiri na njira zakusiyana."

Tikhacitambo gaxugaxu mukusankhula kucita misonkhano mu ndzidzi waku-

ti ngozwi ya kuphatiwa ikhali yakucepa. Mwacitsandzo, Mercedes Garcia apfundza undimomwene na yavu wace, Pablo Gonzalez. Mukhali iye na pyaka pinomwe pyakubalwa, mama wace alowa mu ndzidzi wakuti babace akhali nkaidi, mbasa-la okhene iye na abale ace apfemba. Mercedes abatizwa mu 1952 mukhali iye na pyaka pipfemba pyakubalwa. Toera kucalaria kumangwa, abale acita nkhanzi ya ubatizo ndzidzi 3 na hafu wakumacibese. Nkhanzi yacitwa pa nyumba ya m'bale, buluka penepo anthu abatizwa mu Nkulo Ozama. Mercedes alonga: "Ife tabwerera kunyumba mu ndzidzi 5 na hafu wakumacibese mukhalamuka kwene anyakuendekana athu."

SUMANA 21 YA MAINDZA

Nyimbo 4 na Phembero

❑ Pfundziro Ya Bhibhly Ya Mpingo:

bh nsolo 4 ¶10-11, nthimiziro pa tsa. 199-201 (mph. 30)

❑ Xikola Ya Utumiki Wa Mulungu:

Kuleri Bhibhly: 2 Pya dziko ya Israele 20-24 (mph. 8)
N.º 1: 2 Pya dziko ya Israele 20:13-20 (mph. 3 peno za-kucepa)

N.º 2: Kodi Maphembero Athu Asafunika Kukwata Ndzipi Ungasi?—bh nsolo 17 ¶13 (mph. 5)

N.º 3: Tinasankhula Tani Axamwali Adidi?—lv nsolo. 3 ¶7 na bokosi pa tsa. 29 (mph. 5)

❑ Nsonkhano Wa Basa:

Nyimbo 44

Mph. 5: Bokosi Ya Mibvundzo. Nkhani.

Mph. 10: Pasani Ntengo Kupasa Mwakudzala Manja Kwa Yahova. Nkhani yakucitwa na nkulu wa mpingo yakubuluswa mu Ncenjezi ya 15 ya Bingu ya 2015, tsamba 14-15.

Mph. 15: Akucenjera Ninga Nyoka Na Akuona Ntima Ninga Nkhangaiwa. (Mat. 10:16) Nkhani yakucedza yakubuluswa mu Anuário de 2015, tsamba 73; na tsamba 111-116. Mphangwa zenezi zisagumanika n'Cisenia pa tsamba 3 mpaka 5 mu Utumiki uno Wa Umambo. Phembani anyakubvesera toera kulonga pidapfundza iwo.

Nyimbo 137 na Phembero

Kubwerezera Kwa Xikola Ya Utumiki Wa Mulungu

Mibvundzo inatowera inadzadingwa pa Xikola Ya Utumiki Wa Mulungu nkati mwa sumana inatoma pa ntsiku 28 ya Maindza ya 2015. Ntsiku inafuna kudingwa ntsonga ibodzi na ibodzi yai-khwa toera kutiphedza pakukhunganyika xikola ya sumana ibodzi na ibodzi.

1. Kodi Dhavidhi atsalakana mwakuipa anthu akhaphata iye ku nkondo, ninga munanyerezera anthu anango angaleri 1 Pya dziko ya Israele 20:3? [2 ya Bingu, w05-T 15/2 tsa. 27]
2. Ninji pidakulumiza Dhavidhi toera kupangiza nzimu wakupasa mwakudzala manja, na ninji pinafuna kutiphedza toera kucitambo pibodzi pyene? (1 Pya. 22:5) [9 ya Bingu, w05-T 1/10 tsa. 11 ndima 7]
3. Kodi Dhavidhi akhafuna kubvekesanji mudalonga iye kuna Salomoni: 'Dziwa Mulungu wa babako'? (1 Pya. 28:9) [16 ya Bingu, w10-T 1/11 tsa. 30 ndima 3, 7]
4. Kodi phembo ya Salomoni inagumanika pa 2 Pya dziko ya Israele 1:10 isapangizanji thangwi ya iye, na tinapfundzanji tingadinga maphembero anacita ife kuna Yahova? (2 Pya. 1:11, 12) [23 ya Bingu, w05-T 1/12 tsa. 19 ndima 6]
5. Mwakubverana na 2 Pya dziko ya Israele 6:29, 30, ndi ipi luso yakupambulika iri na Yahova,

BOKOSI YA MIBVUNDZO

■ Ndi Ndzipi Upi Wakuthema Toera Kusiya Kucitisa Pfundziro Ya Bhibhly?

Khala nyakupfundza Bhibhly nee akuthambaruka mwauzimu, panango mphayadidi kuphatisira luso toera kusiya kupfundza naye. (Mat. 10:11) Mbamudzati kusiya dingani ipi: Kodi iye asapangiza kuti asafuna kuitiriza kupfundza? Asakhunganyika mwanyapantsi pinafuna pfundza iye? Asasonkhana na mpingo? Asapanga anango pinapfundza iye? Ali kucita macinjo mwakubverana na midi-da ya Bhibhly? Musafunika kunyerezera thunga yace na maluso ace, mbamudzi-wambo kuti anthu asathambaruka munjira yakusiyana. Pontho, khala mwasiya kucitisa pfundziro ya Bhibhly na munthu, ndziwiseni kuti muli dzololo angafuna kuitiriza kupfundza ntsogolo. —1 Tim. 2:4.

na thangwi yanji tisafunika kulonga piri mutima mwathu kuna iye mu phembero? (Sal. 55:22) [30 ya Bingu, w10-T 1/12 tsa. 11 ndima 7]

6. Thangwi yanji Asa aphembera thangwi ya ku-wina anyamalwa awo azinji, na ndi cinyindiro cipi cinakhala na ife mwakubverana na nkhondo yathu yauzimu? (2 Pya. 14:11) [7 ya Main. w12-T 15/8 tsa. 8 ndima 6-tsa. 9 ndima 1]
7. Kodi njira idatsalakanira Yahova madodo a Mambo Yosafate inatipasa tani cinyindiro ca-ufuni wa Mulungu, na pyenepi pinakhuya tani maonero athu kuna anango? (2 Pya. 19:3) [14 ya Main. w03-T 1/7 tsa. 17 ndima 13; cl-T tsa. 244 ndima 12]
8. Tinakhala tani 'm'mbuto zathu mbatipitiriza dzololo,' mphapo thangwi yanji? (2 Pya. 20:17) [21 ya Main. w05-T 1/12 tsa. 21 ndima 2; w03-T 1/6 tsa. 21 ndima 15-16]
9. Ndi cenzezo ipi inagumanika pa 2 Pya dziko ya Israele 21:20 inalonga pya kufa kwa Yoramu yakuti tisafunika kuinyerezera mwaci-dikhodikho? [21 ya Main. w98-T 15/11 tsa. 32 ndima 4]
10. Mwakubverana na 2 Pya dziko ya Israele 26:5, kodi m'phale Uziya apfundziswa na ani kucita pinthu pyadidi, na aphale na atsikana lero anaphindula tani na Akristu akukola m'mpingo? [28 ya Main. w07-T 15/12 tsa. 10 ndima 2, 4]

SUMANA 28 YA MAINDZA

Nyimbo 50 na Phembero

❑ Pfundziro Ya Bhibhly Ya Mpingo:

bh nsolo 4 ¶12-14 na n'thimiziro patsa. 201-204 (mph. 30)

❑ Xikola Ya Utumiki Wa Mulungu:

Kuleri Bhibhly: 2 Pya dziko ya Israele 25-28 (mph. 8)

Kubwerezera Kwa Xikola Ya Utumiki Wa Mulungu (mph. 20)

❑ Nsonkhano Wa Basa:

Nyimbo 31

Mph. 15: Pembererani Abale Anu. Nkhani yakucedza. Pakutoma phembani anyakubvesera toera kuleri Machitiro 12:1-11. Dingani ntsonga zakufunika m'bukhu *Testemunho Cabal*, tsamba 77-80 ndima 5-12. Buluka penepo, longani mphangwa zipswa zidaikhwa mu jw.org pa nsolo "Imprensa." Wangisani onsene toera kupembererera abale awo a pa dziko yonsene akuti asakhuyiwa na mitcingo yakusiyana-siyana, pingakwanisika kulonga madzina awo m'phembero.—2 Akor. 1:11; 1 Tim. 2:1, 2.

Mph. 15: Pyakufuna Pyapampingo.

Nyimbo 50 na Phembero

Pidziwiso

■ Mabukhu anafuna kugawirwa mu nthanda ya **Thongwe na Madzalo 2016**: *Mphangwa Zadidi za Mulungu!* peno ibodzi mwa mabrukura awa a matsamba 32: *Bverani Mulungu toera Mukhale Kwenda na Kwenda, Bverani Mulungu, Munakwanisa Kukhala Xamwali Wa Mulungu!, Verdadeira Fé—O Segredo de uma Vida Feliz* (yacitirwa Mamusulumano). **Muro-pe na Bwinja:** Marevista a Ncenjezi na Despertai! **Gonkho na Khoni:** Kodi Mwandumwene Bhibhly Isapfundzisanji? peno matratado anango onsene mapswa anagumanika pa mpingo na tratado *Kodi Musafuna Kudziwa Undimomwene?*

■ Cikumbuso ca caka **2017** cinadzacitwa n'Cipiri, ntsiku 11 ya Bwinja ya 2017.

■ Tikukumbusa abveranisi a akulu ampingo pya citsogolero ca kusankhula akulu ampingo awiri toera acedzere amwazi mphangwa onsenne adakwanirisa caka cibodzi cakubatizwa toera kuwangisa na kuperekwa maonero akuphedza.—Mach. 15:36; 3 Jwau 4.

Maperekero Aumboni

NCENJEZI 1 Ya Thongwe

"Kodi anthu onsene mbadabvera n'dida uyu wa Bhibhly dziko nee mbidakhala mbuto yadidi toera kukhalamo? [Lerini Ahebere 13:18, na dikhirani ntawiro.] Bhibhly isatiwangisa toera tikhale akuona ntima mu pinthu pyonsene. Nthanda ino revista iyi ya Ncenjezi isalonga kuti kuona ntima kusakhu-ya tani makhundu onsene a umaso wathu."

Despertai! de Janeiro

"Ndiri pano toera kukupasani *Despertai!* ya nthanda ino. [Perekani marevista kuna munthu.] Onani mbvundzo unagumanika pa tsamba 2 na matawi a anthu azinji. Ndi api maonero anu? [Dikhirani ntawiro.] Nsolo uyu usafokotoza midida mingasi ya Bhibhly yakuti inakwanisa kutiphedza toera kukhala na maonero adidi mu umaso wathu."

Ntsonga Zikulu za Basa ya M'Munda

Mu ntsiku 26 ya Maluwa ya 2015, ofesi ya filiali yamalisa mapfundziro a turma yakutoma ya Xikola Ya Amwazi Mphangwa A Umambo (XAMU). Anyaku-pfundza 24 adamalisa xikola ineyi atumizwa m'mbuto zakusiyana-siyana m'basa ya ndzidzi onsene. Mwacitsandzo, anango atumizwa ninga apainiya akupambulika a ndzidzi wakucepa, apainiya akupambulika, anyakuphedzera ayang'aniri a cisa na katumikira pa beteli. Turma yaciwiri ya Xikola ineyi yatomu mu nthanda ya Malimwe ya 2015.



km15-12-SEN MZ
150907